

FIESTA DI DESPEDIDA PA JOSSY BROKKE Y RAUL CASTILLO

ORANJESTAD - Dos cantante Arubano, Jossy Brokke di 18 anja y Raul Castillo di 21 anja pronto lo sali pa Venezuela pa uni na e conocido teenersband "Los Impala".

Jossy Brokke Jr., a cuminsa su carrera na edad di nueve anja y su mas bunita recuerdo ta su actuacion huntu cu Milo Muyale na harpa, na Las Vegas, Estados Unidos.

Dos anja pasa a parce cu Jossy Brokke su carrera lo a termina ora cu el a hanja dificultad cu su voz. Sinembargo, despues di algun luna e dificultadnan a pasa completamente.

Jossy a declara cu e lo hanja masha falta di Aruba, pero di otro banda e ta contento cu por fin el a hanja e chens pa por actua como artista internacional.

Raul Castillo, un cantante di estilo "Rolling Stones", a pasa e mayor parti di su hubentud na Hulanda, pero su cantamento despues cu el a completa su estudionan - a hibeles na tur e paisnan Europeo, principalmente

na Francia, Alemania e Italia.

E tabata menos cu un anja na Aruba y tabatin intencion pa bai Merca ora cu e oferta di Los Impala a drenta.

Tanto Jossy como Raul a firma un contract di seis luna cu Venevision T.V. na Venezuela.

E cinco artistanan Venezolano y Arubano lo bai biba den un flat na Venezuela pa di e manera aki nan por ensaya conhuntamente. Ademas nan lo viaha riba henter Venezuela.

Pa motibo di e partida di e dos cantantenan di beatmusic, lo worde teni fiestanan di despedida, diasabra anochi den Basiruti y diadomingo atardi den Orquidea Club na San Nicolas. E musica pa e dos anochinan aki, ta den man di "The Three Aces" di Corsow.



Dentro di poco lo sali pa nos bisinga pais Venezuela e dos cantantenan Arubiano Jossy Brokke Jr robes) y Raul Castillo (drechi) kendenan lo bai forma parti di e teenersband "Los Impala". Segun informacion nan tin un contracto di seis luna cu Venevision na Venezuela.

lacio presidencial, estudiantenan anticomunista a protesta contra e inclusion den gabinete di gobierno di ministronan cu ta sospecha di tin relacionnan intima of cu tabata complica den e golpe di estado cu a fracasa dia 1 di October 1965.

E viajeronan ta continua bisando cu ora cu e situacion a bira mas serio, trupanan a disparar riba e manifestantenan y nan ta quere tainbe cu dos di nan a queda morto. Otro noticianan ta bisa cu e numero di morto a yega na cinco of cu e numero di cinco tabata entre morto y heridonan.

FIESTA DI DESPEDIDA

Pa: Jossy Brokke Jr. y Raul Castillo, kendenan pronto lo sali pa Venezuela pa forma parti di "Los Impala".

Musica bailable: **THE THREE ACES**

Diasabra anochi na BASI RUTI HOTEL di 9'or p.m. pa 2'or a.m.

Diadomingo atardi ORQUIDEA CLUB di 2'or pa 7'or p.m.

Entrada: Caballeros fl. 2,--

Damas fl. 1,--